

P360/2
Luganda
Paper 2
Jul / Aug 2024
3 Hours



NATIONAL EDUCATION RESEARCH & EXAMINATIONS BUREAU

UACE NEREB NATIONAL MOCKS 2024

LUGANDA

OKUKYUSA, OKUWANDIIKA EMBOOZI, OKUSOMA BWINO N'OKUFUNZA

OLUPAPULA OLWOKUBIRI

PAPER 2

ESSAAWA SSATU (3 HRS)

EBY'OKUGOBERERA:

- Olupapula luno lugabanyiziddwamu ebitundu bina; **A, B, C** ne **D**.
- Ekitundu **A, C** ne **D** byabuwaze.
- Mu kitundu **B** oweereddwa eby'okulondako by'oyagala okuddamu.
- Ddamu nga bw'olagiddwa mu buli kitundu.

FOR EXAMINERS' USE ONLY		
Ekibuuzo	Obubonero	Examiner
1 A B		
2. A B		
3.		
4.		
Total		

EKITUNDU A

Ddamu 1(a) ne 1 (b)

1. a) Kyusa ekitundu kino ekikuweereddwa wammanga okizze mu luganda (Obubonero 15).

Fight Corruption to ensure service delivery – Bobi Wine.

NUP Party President Robert Kyagulanyi Ssentamu, aka Bobi Wine, while addressing a rally at Masaka Recreation Grounds on Friday 31st. May. 2024 said that there was no disunity in NUP as is being portrayed in the media. “The only problem we have in NUP, which is also the same problem for Ugandans, is changing leadership and removing corrupt leaders...” Regarding corruption, Mr. Kyagulanyi rallied Ugandans to join efforts to fight corruption, saying it is suffocating proper service delivery across the country. Quoting the latest Inspector General of Government (IGG) report on corruption, the NUP President said Uganda lost over Shs 10trillion in corruption, which is almost quarter of the national budget.

“With the powers I have, I can only sack those who are corrupt within our ranks, but when we get into power, we shall do more than that,” he said. The NUP president urged his supporters to remain focused on the ideals of the struggle, saying removing the current government is still possible through the ballot.

(Extracted from ‘The Daily Monitor, Monday, June 3, 2024 on Page 6 with minor modifications. Article by Malik Fahad Jjingo & Al – Mahdi Ssenkibirwa).

- 1 b) Kyusa ekitundu kino ekikuweereddwa wammanga okizze mu lungereza.

(Obubonero 15).

UNEB erabudde amasomero agalinnyisa ez’okwewandiisa.

Ab’ekitongole ky’ebigezo ki Uganda National Examinations Board (UNEB) kirabudde okujja layisinsi ku masomero gonna agali mu kulinnyisa ensimbi, eri abayizi abagenda okwewandiisa okukola ebigezo by’akamalirizo mu S.6, S.4 ne P.7. Okusinziira ku ssaabawandiisi wa UNEB

Dan Odongo, amasomero okubinika ssente ezawukana n’ezo ezigerekeddwa ekitongole ky’ebigezo kimenya mateeka.

Dan Odongo era agamba nti ku mulundi guno, ebigezo ebigenda okukolebwa bya mirundi 4 omuli P.7, S.6 ne S.4 nga aba S.4, bya mirundi 2 omuli abayizi, abagenda okutuula ebigezo ebya kaliculamu empya ssaako n’okuwa abayizi omukisa ogusembayo, okutuula ebigezo bya kaliculamu enkadde omuli abaagwa ebigezo ssaako n’abalemwa okutuula olw’ensonga ez’enjawulo okuva 2023 okudda emabega.

UNEB erabudde nti singa omusomesa yenna oba essomero, lisaba ssente endala mu linnya lya UNEB, ayolekedde okuwa engassi ya Bukadde 40 oba okusibwa emyaka 10 oba byombi ssaako n’okuddiza abazadde ssente zaabwe. Mungeri y’emu omusomesa yenna ayinza okuggyibwako layisinsi oba essomero okuliggyako Senta Nnamba.

(Bisimbuddwa okuva ku mukutu gwa Galaxy Radio 100.2FM nga 24/05/2024 n’enkyukakyuka entonotono).

EKITUNDU B Ddamu 2
(a) oba 2 (b).

2. (a) Ku mitwe egikuweereddwa wammanga, londako gumu oguwandiikeko emboozi ya bigambo nga 300 – 400. (Buli mutwe gwa bubonero 30).

i) Ebyakuumanga obufumbo bw'Abaganda. ii) Engo yasattiza ekibuga.

iii) Lw'oyagaliza muka kitaawo lotta nnyoko.

iv) Ebibonerezo ebimu abasomesa bye bawa abayizi basaanye babyewale. Kubaganya ebirowoozo.

OBA

(b) Ku mitwe gino egikuweereddwa wammanga londako ebiri buli gumu oguwandiikeko emboozi nga bw'olagiddwa. (Buli mutwe obubonero 15).

i) Oli ku pulogulamu y'abavubuka ku laadiyo emu. Yogera eri eggwanga ng'onnyonnyola ku ngeri abavubuka gye bayinza okweggya mu bwavu.

(Kozesa ebigambo nga 200).

ii) Ggwe mukulu w'essomero lya **Kiyitawaggulu Sec Sch** era waliwo omu ku basomesa bo anoonya omulimu gw'obusomesa. Muwandiikire ebbaluwa emusemba ku mulimu ogwo.

(Kozesa ebigambo nga 150)

iii) Obaddewo nga muliraanwawo Ssempafu ayomba ne mukyalawe ne batuuka n'okulwana, Ssempafu ne bamuyiira amazzi agookya n'aggya bubi nnyo. Wandika sitatimenti gy'onoowa poliisi.

(Kozesa ebigambo 150)

iv) Wandika akalowoozo k'omukunnya ng'ovumirira ebisiyaga ebicaase ennyo mu masomero ensangi zino.

(Kozesa ebigambo nga 150)

EKITUNDU C

3. Soma ekitundu ekikuweereddwa n'oluvannyuma oddemu ebibuuzo ku nkomerero yaakyo. (Obubonero 20).

OBWAVU OBUKULUMA BUSIBUKA KU BULI BWA NGUZI.

Obwavu obukuluma busibuka ku buli bwa nguzi, mu mwaka 2002 Palamenti ya Uganda yayisa etteeka eryatondawo ekitongole ekirondoola enteekateeka y'ebyenkulaakulana ey'eggwanga (National Planning Authority Act). Mu kubaga etteeka lino, gavumenti yali eyagala wabeewo ekitongole eky'etongodde, ekitulowooleza ku ebyo ebinaagoba obwavu mu bannansi.

Kinajjukirwa nti gavumenti ya NRM nga yaakajja mu buyinza, yatondawo enkola ey'entandikwa gye baagamba nti yakugoba bwavu. Bazaako ey'okutambuliza eby'obulimi ku mulembe (Plan for Modernization of Agriculture). Bwe baava awo ne baleeta enteekateeka ya Poverty Eradication Programme. Bino bwe bitaakola ne bajja ne NAADS. Nayo yali egenderera kutumbula bya bulimi na bulunzi. Ate ensangi zino tuwulira

bonnabagaggawale ne SACCO. Amaloboozi ennaku zino gagamba nti kasita abamu baneekolamu ebibiina, nga gavumenti ebawa **lupiiya** ng'obwavu bufuuyibwa mu njombe! Mu myaka mwe tuleeteddwa enteekateeka zino tulabye bangi abeezimbye, kyokka omuntu wa bulijjo obwavu bwongedde kumuluma. Obubonero bulaga nti obulamu bwe bwongera kutambulira mu buzibu; abasinga tebalina ssente ze bayingiza, n'olwekyo tebasobola kwetusaako byetaago. Ate ku luddwa olulala, ebintu eby'olukale ebirina okulabirirwa gavumenti, **bifaafaaganye** ekitayogerekeka. Enguudo ziwomoggose, ebikozesebwa mu masomero tebiriyo, ebitongole bya gavumenti empeerera yaabyo teri ku mutindo n'ebirala. Bino bw'obigattagatta kitegeeza nti obwavu bukyali bungi mu Uganda. Ekibuuzo kye tusaana okwebuuzza kye kino; Kiki ekiremezza obwavu mu nsi yattu ate nga tuwulidde enteekateeka nfaafa ezigenderera okubumalawo? Ekyokuddamu kyangu; buli bwa nguzi. Uganda eyogerwako ng'emu ku nsi ezisinga okubaamu obuli bw'enguzi. Abatuvuganya wano mu Afirika ye Nigeria ne Kenya. Abantu **tebeefumintirizanga** ku bulabe obusibuka ku buli bw'enguzi. Singa baali bakikola, bandibadde banyiiyu ne balwanyisa ababubasibyeko. Kumpi tewali mulimu gwa gavumenti gukolebwa mu makubo matuufu. Bye tuwulira ku nsimbi ezabbibwa mu kuteekateeka olukunjaana lwa CHOGM mu 2007 bitiiisa n'okutiisa. Abaagula emmotoka ez'okutambuza abagenyi, abaakwata ogw'okusimba ebimuli, abaddaabiriza enguudo, abaapangisa ebitongole eby'empuliziganya, abaakola ku wooteeri omwasula abagenyi, na buli kalonda eyakolebwa yalimu kibba ssente. Okusenziira ku mbalirira ya bbanka y'ensi yonna (World Bank), ssente ezabbibwa mu Uganda mu 2008 zaawera ddoola za Amerika obukadde bisatu (300). Mu zaffe obuwumbi obusukka mu lukaaga (600). Ssente ezo zimala okuzimba amalwaliro agali ku mulembe, amakumi asatu (30) okwetooloola Uganda yonna, n'okugassaamu eddagala n'ebyuma. Ensi bw'eba enaawona obwavu, essira erisooka erina kulissa ku; mbeera y'obulamu bw'abantu n'omutindo gw'ebyenjigiriza. Tewali nsi yali erwanyisizza bwavu n'ebuwangula nga tefuddeeyo ku nsonga ezo. Gavumenti bw'ekola enguudo, ebyamaguzi bifuna obutale, bangi bafuna emirimu, ne beegobako obwavu. Buvunaanyizibwa bwa gavumenti okukwata n'okukangavvula ababba ssente. **Abanene** bangi abawuliddwa oba abakwatiddwa nga baawuwuttanya ensimbi naye tewali kibakoleddwako. Alipoota nnyingi ezikoleddwa olw'okunoonyereza ku kibba ssente naye nazo tezivuddeemu kalungi. Lwaki abalina obuyinza ate ng'okulwanyisa obwavu **baakifuula luyimba**, tebalwanyisa omuze guno ogulemesezza ensi okuwona obwavu?

Ebibuuzo;

- i) Ng'osenziira ku kitundu ky'osomye nyonnyola obulabe obulagiddwa bwa mirundi **ena** (4) nga busibuka ku buli bwa nguzi. (Obubonero 04).
- ii) Leeta ensonga, **nnya** (4) eziraga nti gavumenti ya Uganda etetenkanya okulaba nga bannansi baayo bava mu bwavu. (Obubonero 04).
- iii) Uganda ekole ki okuwona obwavu? Menya engeri **nnya** (4) ng'oziggya mu kitundu kino. (Obubonero 04)
- iv) Menya ebintu **bina** (4) ebikakasa nti ddala Uganda ekwata kisooka mu Afrika mu kulya enguzi. (Obubonero 4).
- v) Nnyonnyola amakulu g'ebigambo bino nga bwe bikozezeddwa mu kitundu ekyo. (Obubonero 04).

- bifaafaaganye,
- tebeefumintirizanga,
- abanene,
- baakifuula luyimba.

EKITUNDU D

4. Funza ekitundu kikuweereddwa mu bigambo nga 100 okiwe n’omutwe ogutuukirako. (Obubonero 20).

Waliwo abafumbo bangi nnyo mu Uganda yaleero ababde bonna awamu okumala ebbanga eddene oba abamaze ebyeya n’ebisiibo nga bali wamu oba kale kiyite nti nga bakutudde kalenda eziwerako baliko ebintu bingi nnyo bye tubalabirako ebitali bimu ebiyinda okuba nga bye bikalubya obufumbo. Munnange ggwe asoma bino! olaba bantu kubeera wamu babiri naye nga buli omu ekizibu kya munne ky’atuulidde y’akimanyi. Olaba naawe akyasoma S.6 nga olina munno ggwe gw’olowooza nti yalibeera taata / maama w’abaana bo naye alina bingi bye waakamulabako wamma n’olabira ddala nti otudde ku maggwa. Eyo mwattu ka tuveeyo, osaasira omukazi eyafumbirwa omusajja naye nga bba Lujuuju awedde emirimu agunywa n’agwa ne ku kkubo olwo ne bayita omukyala ajje yeebagajje era abudeebude kabiite we amuzze eka yeebake! Empale azitobezza bw’aba takoleddeemu birala ebisingawo obuzito; Bangi n’okubayiwako amazzi muziro era tebaagalira ddala kunaaba oluusi ne bwe baba tebatamidde, banaabako k’abazimbi ate ekiro era tuwulira bangi nnyo mbu n’obuliri n’abutobya. Teebereza okusula n’omuntu alinga oyo! Kale oba bino byonna oyinda okubigumira! Naye omusajja afuluuta nga genereeta bannange naye atama!. Mbu n’abakyala kino bakikola. Ekirungi, eddagala gyeriri erisobola okukuwonya embeera eno.

Laba Liisoddene bw’akuvaamu mukazi wattu n’ofumbirwa omusajja owoomululu. Ono ng’awaka enva ezifumbiddwa bw’eba nkoko, nnyama, ekyennyanya ate oba n’ebyenda; entamu olugiggya ku kyoto, ogissa mu maaso ge n’asenera abali ku lujjulira enva. Bw’asena ekifi mu ntamu ate n’apimisa amaaso gwe kisaanira nga n’omukyala kazifumba mw’omutwalidde. Oba kale nfunda n’alina omululu, naye omusajja / omukazi omusezi bannange! Hoo! Ndikubuulira lwendidda.

N’ojja osanga omwami oweekitiibwa mu maka nga mukwanyi muzibu. Njamba omukwanyi w’abakazi, oyinda okulowooza emikwano egy’omugaso. Ye nga tayisa sikaati na kiteeteeyi by’asanga. Mwe yeegondeza ng’omukira gwa kkapa ng’ababuuza era nga mw’abakwanira. Bano bakozi ba waka n’olaba omusajja omukulu bw’asolobeza ng’empisi erabye ennyama. Saasira mukazi we. Kyokka ekisinga okwewuunyisa, abamu ku bano n’okwaka tebayaka. Baafuuka nsindikanjake. Ojja n’omuwa ebintu byo kyokka oluba okubitunulako n’agwa eri! Kati olwo ne weebuza, lwaki ammalidde ebiseera n’okunzirugaza!

Waliwo abakyala mu maka abayombi. Abayombi kakuuse, bayomba ne bakunkumula n’ennyenye mu nju. Leero nga n’akantu akataliimu nga caayi okutonnya ku mmeeza, kamuyombya n’abeemiriraano ne bawulira. N’ayomba nga buli alia waka atuula obufofofo na kunoonya we yeemululira aveewo. Ne bukya ng’ayomba ne buziba ng’ayomba. Saasira eyamuwasa. Kale okuyomba oba kale, naye obubbi! ggwe n’owasa omukazi nga buli nsimbi zooleka mu mpale yo ey’essaati / empale buli lwoza tazitaliza! Bangi batuuka n’okwebba nga tebamanyi. Bino biswaza bannange.

Laba ate ssemaka bwe yeesanga ng'omukazi gwe yawasa wa lugambo. Omukazi n'azunza olugambo ku kyalo ng'akirako abika afudde. N'atottola n'ebiyomu nju ebitasaana kwogera nga bba bwe yazaala mu muka muliraanwa, bw'amuzize mu buliri okumala emyezi ebiri, leero n'otamwa. Ggwe asoma bino! obadde okimanyi nti n'abafumbo bangi tebabuuzza nga ggwe? Mirundi emeka gy'oyita ku banno nga tobabuuzizza? ate wamma abasomesa bo obabuzaako ddi? Ojjukira luli bwe walaba omusomesa wo n'omusala ekikuubo? kubanga toyagala kumubuuzaako! n'abafumbo abamu tebalina mpisa, beebaka mu buliri bumu kyokka buli omu n'atakeera na kubuuza ku munne bwe yasuze! Ggwe akola kino, oba tolina mpisa.

Otuuka awandi nga muka nnyinimu mukyafu muzibu, kwe kugamba nga si mukyafu mulwadde.

Engoye z'abaana n'ebisiimuula enju nga toyawula. Nalyoka akusanyukira ng'ozze n'akatunda n'akamula naye ng'okanywesa emitima ebiri. Sapatu ozisanga ku mmeeza okuli enva, ebijiiko nga biri mu bbenseni, ekigotta entula kiri mu kasasiro anti n'olaba embaga. Oba kale ofundako n'owekika kino, naye omukazi akebera essimu ya bba nga ye yeebase! Oba baba banoonyaaki! Kale oba kino omuntu ayinza okukigumira, naye ate abakazi abambala enkunamyi kyokka nga bafumbo oba bbo baba banoonyaaki! Naawe weebuuze. Abakyala abamu baba ba buggya nga buyitirivu kumpi kubawunyanako. Bajula kwagala kusiba baami baabwe ku birenge bayite nabo. Omuwala oba omukazi ne kakutanda n'olamusa bba ng'akulaba, weefukamiza nnyini olaga empisa, azimba n'akirako gwe bapiseemu omukka oba okwagala okukuwandulira amalusu omanyi bwe kimukosa. Kale obuggya bwa butonde, naye ate omukazi omulogo! mbu abamu balunga abaami baabwe basigale nga balowooza ku bbo bokka. Ggwe tolaba oli eyayimba nti; "...omusajja agwana mu ccupa...." Abakazi!!!

Okimanyi nti abakyala okubuusabuusa enneeyisa ya babbaabwe eyo gye batambulira nakyo kikalubya obufumbo ng'eggumba. Bw'akubira bba essimu nga waali awulirawo obuyimba obuseeneekerevu n'alowooza nti oba ali na mukazi mulala. Olumu bba bw'amugamba nti agenze saffaali okumala ennaku, omutima ne gumulowoozesa nti yandiba nga eyo yafunayo abakazi b'aganza era nga kye kimutwalayo so si mirimu. Teebereza by'alowooza ng'asanze akapiira kakalimpitawa mu kkooti ya bba!

BIKOMYE WANO.